

bænda
FERÐIR

SUÐUR-FRAKKLAND & SPÁNN



19. – 29. september 2025
Fararstjórn: Ósk Vilhjálmsdóttir

Haust 5
Spánn | Frakkland | Sviss

Ferðalýsing

Glæsileg ferð um **Suður-Frakkland** og **Katalóníu** á Spáni. Við lendum í Genf en höldum rakleitt til sögufrægu virkisborgarinnar **Avignon** í Provence héraði í Frakklandi sem er rómuð fyrir fegurð. Skemmtilegar skoðunarferðir eru í boði, svo sem til **Pont du Gard brúarinnar**, **Arles** með sínu magnað rómverska hringleikahúsi og klettabæjarins **Les Baux** þaðan sem útsýnið er stórkostlegt. Einnig verður komið til **Aigues Mortes** sem oft er nefndur Þyrnirósarbærinn. Síðan bíður ljúfi bærinn **Saintes-Maries-de-la-Mer** við Miðjarðarhafið sem er pílgrímsbær rómafólks í Evrópu. Á leið okkar til Katalóníu bregðum við okkur til **Figueres**, fæðingarbæjar Salvador Dalí, og skoðum safn með ævintýrlegum verkum hans. Við dveljum lengst af í fallega bænum **Tossa de Mar** við **Costa Brava** ströndina á Spáni sem býr yfir merkjum minjum og fornum borgarmúrum í hinum dulúðlega bæjarhluta **Vila Vella**. Hér njótum við hins ljúfa lífs! Við förum í dagsferð til glæsilegu og litríku heimsborgarinnar **Barcelona** og í yndislega siglingu á **Lloret de Mar** við **Costa Brava** ströndina. Einnig verður komið við í **Montserrat klaustrinu** sem stofnað var á 9. öld og stendur í 720 m hæð í samnefndum þjóðgarði, þar er fjallafegurðin ólýsanleg.

11 dagar | 10 nætur

4 nætur Avignon | 6 nætur Tossa de Mar



19. september | Flug til Genf & sögufræga borgin Avignon

Brottför frá Keflavík kl. 7:20. Mæting í Leifsstöð u.þ.b. 2,5 klst. fyrir brottför. Lending í Genf kl. 13:05 að staðartíma. Þaðan verður ekið suður til sögufrægu borgarinnar Avignon í Provence héraði í Frakklandi sem er rómuð fyrir fegurð. Þar verður gíst í fjórar nætur.

20. september | Skoðunarferð um Avignon & frjáls tími

Skemmtileg skoðunarferð um þessa fögru aldagömlu virkisborg Avignon. Brúin fræga St. Bénézet, virðulegir virkisveggirnir og gamli bærinn með höll páfans taka á móti okkur en allt er þetta varðveitt á heimsminjaskrá UNESCO. Mjög gaman er að skoða elsta hluta borgarinnar sem er rétt hjá ráðhústorginu en þar eru skemmtilegar verslanir og heillandi götur. Einnig er gaman að fara út á St. Bénézet brúna og ganga virkisveggina.



21. september | Pont du Gard, Arles & Les Baux

Nú verður ekin stutt leið að Pont du Gard, hæstu vatnsveitubrá sem Rómverjar byggðu. Hún er hluti af 50 km langri vatnsleiðslu frá uppsprettu í nágrenni við bæinn Uzès. Hún er 49 m há og er þriggja hæða. Brúin var notuð í u.þ.b. 500 ár og liggja vatnsleiðslurnar til nágrannaborgarinnar Nîmes. Þetta er eitt af stórkostlegustu meistaraverkum frá tímum Rómaveldis. Síðan liggur leið okkar til bæjarins Arles, einnar af perlum Suður-Frakklands. Farið verður í skoðunarferð um þennan sögulega bæ þar sem við skoðum meðal annars magnað rómverskt hringleikahús. Í Arles er Van Gogh safn en listamaðurinn bjó þar um tíma og málaði þar mörg sín þekktustu verk, þ.á m. *Gula kaffihúsið*. Eftir frjálstan tíma verður ekið til ævintýrlega klettabæjarins Les Baux sem var miðstöð trúbadora á miðöldum og mótmælenda á tímum siðaskipta. Les Baux er eitt fallegasta þorp Frakklands og hér eru rústir kastala frá miðöldum þar sem hægt er að skoða, turna, dýflissur og umsáturstæki. Ofan frá kastalanum blasir við mikilfenglegt landslag. Hrikaleg feegurð umvefur staðinn og útsýnið er einstakt þar sem bærinn situr í Alpillesfjöllunum en þar er víðsýnt yfir láglendið um kring, ólífulundi, vínekrur og kalksteinshlíðar.



22. september | Aigues Mortes & Saintes-Maries-de-la-Mer



Eftir morgunverð höldum við til Camargue, sem er friðlýst vatnasvæði myndað af árframburði Rhône. Þar má sjá flamingóa, svört naut og hvíta arabíska hesta. Á leiðinni verður komið við í bænum Aigues Mortes sem oft er nefndur Þyrnirósarbærinn. Hann er umkringdur fallegum borgarmúr og þar var ein af mikilvægustu konungshöfnum

við Miðjarðarhafið. Næst verður ekið til Saintes-Maries-de-la-Mer, pílgrímsbæ rómafólks í Evrópu sem dregur nafn sitt af þremur konum sem allar báru nafnið María og komu frá Palestínu en ein þeirra var María Magdalena. Þar verður Notre dame de la Mer kirkjan frá 11.-12. öld skoðuð og auðvitað verður gefin tími til að njóta náttúrufegurðar bæjarins við Miðjarðarhafið.

23. september | Salvador Dalí & Tossa de Mar

Nú yfirgefum við Avignon eftir töfrandi daga og höldum til Spánar. Á leið okkar heimsækjum við Figueres, fæðingarstað Salvador Dalí. Dalí safnið er eitt helsta aðdráttarafl ferðapjónustunnar í Katalóníu og það er algjört ævintýri að koma þar inn en Dalí hannaði sjálfur safnið. Bærinn er mjög líflegur og skemmtilegur og upplagt er að fá sér hressingu áður en farið verður inn á safnið. Síðdegis höldum við ferð okkar áfram til miðaldabæjarins Tossa de Mar við Costa Brava ströndina. Hér munum við gista í sex nætur á góðu hóteli.



24. september | Gönguferð í Tossa de Mar

Við hefjum daginn á skemmtilegri gönguferð um Tossa de Mar. Við förum meðal annars upp í elsta hlutann, klettabæinn Vila Vella, sem er umkringdur borgarmúrum og turnum frá 14. öld. Að koma inn í Vila Vella er eins og að ferðast aftur í tímann en það er enn búið í nokkrum gömlu húsanna innan virkisveggjanna. Stórfenglegt útsýni er þaðan yfir gjörvalla klettaströnd Tossa. Að skoðunarferðinni lokinni gefst hverjum og einum frjáls tími til að kanna umhverfið á eigin vegum. Fyrir áhugasama eru fornar minjar frá rómverskum tímum að finna í nágrenni hótelsins en í bænum eru einnig margar huggulegar, litlar verslanir.



25. september | Heimsborgin Barcelona



Barcelona, höfuðborg Katalóníu, er með fegurstu borgum álfunnar. Hún er þekkt fyrir glæsilegar byggingar arkitektsins Gaudí sem skreyta borgina hvert sem litið er. Barcelona er mjög gömul borg og saga hennar merkileg. Fegurð hennar og gestrisni íbúanna gera dvölinna alveg einstaka. Af merkum byggingum eftir Gaudí má nefna kirkjuna La Sagrada Familia, húsin Casa Battló og Casa Milá og garðinn Güell en þessi verk Gaudí eru öll

komin á heimsminjaskrá UNESCO. Gotneska hverfinu má ekki gleyma og kirkjunni við hafið sem er dásamleg og margir þekkja úr bók Ildefonso Falcones. Við höfum einnig tíma til að kanna líf bæjabúa og líta inn á líflega kaupmenn borgarinnar.

26. september | Ljúf sigling til Lloret de Mar

Að loknum morgunverði verður farið í siglingu til Lloret de Mar, eins vinsælasta ferðamannabæjarins við ströndina. Þetta er mjög snotur bær sem gaman er að rölta um en þar er m.a. að finna fallegu kirkjuna Sant Roma frá 16. öld. Einnig er hægt að fara í góða göngu eftir ströndinni að miðaldavirkinu Sant Joan. Hér verður gefin góður tími til að njóta og upplagt að fá sér hressingu áður en ekið verður til baka.



27. september | Rólegheit & slökun

Frjáls dagur til að hvíla sig og njóta lífsins, fara í dekur á heilsulind hótelsins eða kanna umhverfið í rólegheitum. Í bænum kennir margra grasa menningar- og mannlífs, sem gaman er að kynna sér í rólegheitunum.

28. september | Montserrat klaustrið

Í dag heimsækjum við Montserrat klaustrið sem stofnað var á 9. öld en það stendur í 720



m hæð og er staðsett í Monserat fjalli í samnefndum þjóðgarði. Kirkjan er frægust fyrir líkneskið af dökkri Maríu mey en það hangir fyrir ofan altarið og er sagt að það boði gæfu að skoða hana og snerta. Um hádegisbil gefst færi á að hlýða á tvö lög hjá hinum fræga drengjakór klaustursins, Escolania de Montserrat. Í kórnum eru 50 drengir á aldrinum 9 -14 ára sem syngja þar næstum daglega. Þar er einnig listasafn

sem geymir m.a. myndir eftir Picasso, Dalí, Miro og Degas. Útsýnið frá klaustrinu er stórbrotið og fjallasýnin ólýsanleg. Hægt er að fara með kláf upp á hæsta tindinn, Sant Jeroni, sem er í 1.235 m hæð yfir sjávarmáli.

29. september | Heimferð frá Barcelona

Eftir yndislega daga á Spáni, kveðjum við Tossa de Mar og ökum til Barcelona flugvallar. Brottför þaðan kl. 15:45 og landing í Keflavík kl. 18:20 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.



Verð

389.900 kr. á mann í tvíbýli | 100.100 kr. aukagjald fyrir einbýli.

Innifalið

- ✓ Flug með Ícelandair og flugvallarskattar.
- ✓ Gisting í 2ja manna herbergi með baði.
- ✓ Morgunverður allan tímann á hótélum.
- ✓ Átta kvöldverðir á hótélum.
- ✓ Salvador Dalí safnið í Figueres.
- ✓ Monserat klaustrið og drengja kórin.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.

Ekki innifalið

- ✓ Aðgangseyrir inn í söfn, hallir og kirkjur.
- ✓ Kláfar eða stólalyftur upp á fjöll.
- ✓ Siglingar.
- ✓ Hádegisverðir.
- ✓ Tveir kvöldverðir í Avignon.
- ✓ Vínsmökkun.
- ✓ Þjófnef.



Valfrjálst

- ✓ Kláf upp á Sant Jeroni fjallið í Monserat ca € 19.
- ✓ Sigling til Lloret de Mar ca € 28.

Hótel

- ✓ Hotel Cloitre Saint Louis í Avignon
- ✓ Hotel Bahia í Tossa de Mar

Nánari upplýsingar

Vert er að hafa í huga að þrátt fyrir að Bænduferðir séu alla jafna þægilegar rútuferðir er alltaf einhver ganga, t.d. í bæjarferðum. Margar evrópskar borgir eru bæði hæðóttar og ójafnar undir fæti og aðgengi að áfangastöðum þannig að leggja þarf rúttunni mislangt frá. Ef þú hefur einhverjar vangaveltur varðandi þetta vinsamlegast ekki hika við að hafa samband við skrifstofu Bænduferða.